



稱謂錄第四本

卷十三目

軍機處

軍機處職官

軍機處職官古稱

翰林院

翰林院職官

翰林院職官古稱

詹事府

稱謂錄

卷十三目錄

詹事府職官

詹事府職官古稱

起居注

卷十四目


都察院

都御史

都御史古稱

監察御史

監察御史古稱



查倉庫各御史古稱

御史古通稱

附古有今無之御史各稱

附古諫官各稱

給事中

給事中古稱

兵馬司

卷十五目

尚書

稱謂錄

卷十三目錄

尚書古稱

侍郎

侍郎古稱

郎中

郎中古稱

員外

員外古稱

主事

主事古稱

司務

司務古稱

筆帖式

筆帖式古稱

吏部

文選司

考功司

稽勳司

驗封司

稱謂錄

卷十三目錄

三

戶部

三庫

錢法堂

寶泉局

倉場

卷十六目

禮部

儀制司

祠祭司

主客司

精膳司

鑄印局

僧官 道官

醫學官

陰陽學官

兵部 鑄谷后古撥

武選司

職方司

車駕司

稱謂錄

卷十三 目錄

四

武庫司

馬館

刑部

附刑部各司古稱

醫學官

醫學官

醫學官

醫學官

醫學官

稱謂錄卷十三

福州梁章鉅撰

男恭辰校刊

軍機處

樞密院 宋史職官志樞密院掌軍國機務兵防邊備

戰陳諸事

樞府 宋史陳升之三至樞府神宗欲稍異其禮乃以

爲知院事

崇政院 五代史太祖卽位改唐樞密院爲崇政院案

郭崇韜安重誨傳贊梁之崇政使乃唐樞密之職蓋

稱謂錄

卷十三

一

出納之任也至崇韜重誨爲之始復唐樞密之名然  
權侔於宰相矣後世因之遂分爲二文事任宰相武  
事任樞密樞密之任旣重而宰相自此失其職也

機速房 咸淳癸酉邊遽日聞賈平章自請行邊朝紳

學士上書者無虛日其後遂置機速房專行密院切

急之事此卽今之軍機處也

軍機處職官

軍機大臣 續會典辦理軍機處軍機大臣掌書 諭

旨總軍國之要以贊 上治機務

軍機章京 續會典軍機章京滿洲十有六人漢十有六人掌分辦清字漢字之事

軍機處職官古稱

樞使 樞相 唐六典宋人稱之曰樞使亦曰樞相典  
兵禁中故名樞密 案樞使樞相卽宋史所謂樞密  
使也

樞輔 蘇子瞻拜兵書謝表武選隸於人官兵政總於  
樞輔 歸田錄章郇公曰人生貴賤莫不有命但生  
年月時有三處合者不爲宰相亦爲樞輔

稱謂錄

卷十三

二

知院同知 五朝會要元豐官職以樞密聯職輔弼非  
出使之名乃更置知院同知二人專以邊機兵政爲  
職以張遜知樞密院事寇準同知樞密院事 案知  
院同知其軍機章京之所由昉乎

樞密副使 簽書院事 同簽書院事 宋史樞密院

又有此稱謂樞密使知院事佐天子執兵政而同知  
副使簽書爲之貳則樞密使及知院事猶今之軍機  
大臣而同知副使簽書猶今之軍機章京也

翰林院

翰林院 遼史百官志南面官翰林院掌天下文翰之

事 案長楊賦子墨客卿問於翰林主人此翰林之名所由昉唐設翰林署工藝皆稱翰林

學士院 葉石林曰唐自張垆爲學士始則建學士院

於翰林院之南則與翰林院分而爲二然猶冒翰林之名蓋唐有宏文館學士麗正殿學士故此特以翰林別之其後遂以名官訖不可改

內三院 國史 祕書 宏文 會典天聰三年始設

文館於盛京十年改文館爲內三院一曰內國史院掌記注 詔令編纂史書及撰擬表章之屬一曰內

稱謂錄

卷十三

三

祕書院掌撰外國往來書狀及 勅諭祭文之屬一

曰內宏文院掌注釋歷代行事善惡勸講 御前侍

講 皇子並教諸王之屬各設大學士掌之順治二

年以翰林院官分隸內三院稱內翰林國史院內翰

林祕書院內翰林宏文院十五年改內三院爲內閣

及翰林院十八年復改內閣爲內三院裁翰林院康

熙九年仍改內閣另設翰林院至今用之 案舊唐

書言翰林院有合練僧道卜祝述藝書奕各別院以

廩之天寶有嵩山道士吳筠乾元中占星韓穎劉烜



貞元末奕棋王叔文侍書王伾元和末方士柳泌浮屠大通寶歷初善奕王倚興唐觀道士孫準並待詔翰林又如黎幹雖官至京兆尹而其初亦以占星待詔翰林貞元二十一年罷翰林醫工相工占星射覆尤食者四十二人此可知翰林不皆文學之士今則文學專屬之翰林耳

筆特黑衙門 皇朝通攷順治十五年諭曰翰林院滿字稱爲筆特黑衙門漢字稱爲翰林院

翰苑 宋史蕭服傳文辭勁麗宜居翰苑 明英宗制

稱謂錄

卷十三

四

非進士起家不得居翰苑爲孤卿

詞林 殿閣詞林記洪武初建翰林院於皇城內扁之

曰詞林 玉海王洙爲學士仁宗以飛白詞林二字

賜之

文林館 隋書李德林傳齊王留情文雅召德林入文林館令與黃門侍郎顏之推二人同判文林館事

銀臺司 文獻通攷宋翰林學士襲唐制以六員爲額

其帶知制誥卽監本院職事其別領省府職任卽不帶知制誥內年德俱重者一員爲承旨知通進銀臺

司兼門下封駁事。案宋史職官志銀臺司掌收天下奏狀。翰林志翰林院在銀臺門北。又學士每下直出門謂之小三昧。出銀臺門乘馬謂之大三昧。

芸臺。漢改祕書監曰芸臺。案芸香可辟蠹也。

承明。漢書嚴助傳拜會稽太守賜書曰君厭承明之廬。注承明廬在石渠閣外。班固西都賦又有承明

金馬著作之庭。

蘭臺。麟臺。漢書內掌蘭臺祕外督諸州刺史漢官

有麒麟天祿二閣藏祕書唐改祕書爲麟臺。舊唐

稱謂錄

卷十三

五

書職官志祕書省注龍朔改爲蘭臺光宅復改爲麟臺。

玉堂。李肇翰林志時以居翰林皆謂凌玉清湖紫霄。豈止於登瀛洲哉。亦曰玉署玉堂。彭時筆記翰林

官世謂之玉堂仙。楊雄解嘲歷金門上玉堂。案

葉夢得曰太宗時蘇易簡爲學士上嘗語曰玉堂之

設但虛傳其說終未有正名乃以紅羅飛白玉堂之

署四字賜之。易簡卽局鑄置堂上。每學士上事始得

一開視最爲翰林盛事。紹聖間蔡魯公爲承旨始奏

乞摹就杭州刻之以避英廟諱去下二字止曰玉堂  
又沈在中夢溪筆談學士院玉堂太宗皇帝曾親幸  
至今惟學士上日許正坐他日皆不敢獨坐  
槐廳 夢溪筆談學士院第三廳學士閣子當前有一  
巨槐素號槐廳舊傳居此閣者多至入相學士爭槐  
廳至有抵徹前人行李而強據之者

木天 夢溪筆談內諸司舍屋惟祕閣最宏壯閣下穹  
窿高敞相傳謂之木天 案署式穹如天故稱

鑾坡 石林燕語俗稱翰林學士爲鑾坡蓋唐德宗時  
嘗移學士院於金鑾上故稱鑾坡 案梁開平三年  
改思政殿爲金鑾置大學士一員以敬翔爲之馬貴  
與云前朝因金鑾坡以爲門名與翰林相接故爲學  
者稱金鑾以美之

翰林院職官

掌院學士 會典翰林院掌院學士滿洲一人漢一人  
於大學士各部尙書侍郎內特簡又康熙二十八年  
諭曰翰林掌院一官職任緊要必文學淹通衆所推  
服者始克勝任凡翰林撰擬之文亦須掌院詳加刪

潤然後成章

侍讀學士 侍讀 會典翰林院侍讀學士滿洲二人

漢三人侍讀滿洲二人漢三人 案唐元宗開元三

年始命馬懷素褚無量更日侍讀宋太宗始用著作

佐郎呂文仲爲侍讀真宗咸平二年以楊徽之夏侯

嶠並爲翰林侍讀學士邢昺爲翰林侍讀學士始建

學士之職其後馮元爲翰林侍讀不帶學士又有馬

宗元爲侍讀高若訥爲侍讀不加別名但供職而已

侍講學士 侍講 會典翰林院侍講學士滿洲二人

稱謂錄

卷十三

七

漢二人侍講滿洲二人漢二人 案漢顯宗時張酺

數侍讀於御前張酺侍靈帝以楊賜有重名舉賜侍

講於華光殿中又詔劉寬拜大中大夫侍講華光殿

雖有侍講之號而未以名官至唐之開元宋之咸平

始有侍講學士之職其後亦有單稱侍講之職

脩撰 文獻通攷宋政和六年置脩撰三等曰集英殿

脩撰右文殿脩撰祕閣脩撰 案唐張昌齡爲北門

脩撰孫逖爲集賢院脩撰脩撰之名蓋始於唐 又

案此非今之脩撰也今則專屬之一甲一名

編脩 東京記編脩俗呼爲史院天聖修真宗史欲重  
其任降勅宰相爲提舉參知政事樞密副使爲修史  
其同脩史則以殿閣學士以上爲之編脩官以上三  
品祕閣校理以上及京官 案此卽今編脩所由昉  
乎

檢討 案宋史職官志紹興二年詔置修政局令百官  
條具脩車馬備器械命右相秦檜提舉參知政事同  
領之其下有檢討官四人卿郎爲之則檢討爲宋時  
修政局官名而本朝用之於翰林院

稱謂錄

卷十三

八

庶吉士 庶常 會典翰林院脩撰編修檢討庶吉士  
無定員 案書立政有庶常吉士之稱故庶吉士亦  
稱庶常

翰林學士 唐書元宗置翰林待詔選文學之士號翰  
林供奉與集賢學士分掌制誥書勅開元又改翰林  
供奉爲學士別置學士院專掌內命而翰林學士之  
名始定宋仍之明則設學士侍讀侍講學士五經博  
士

經筵講官 文彥博傳命平章軍國重事六日一朝一

東月兩赴經筵 玉海紹興五年甯宗欲增講官至十員各專講兩日一次五人上講 元史吳澄傳泰定元年初開經筵首命澄與張珪鄧文原爲講官 老學庵筆記故事臺官無侍經筵者賈文元公爲中丞仁祖以其精於經術特召侍講邇英自此遂爲故事

翰林院職官古稱

四史 王嘉拾遺記黃帝置四史以主圖籍

內史 外史 周禮春官內史凡命諸侯及孤卿大夫

則策命之凡四方之事書內史讀之王制祿則贊爲

稱謂錄

卷十三

九

之以方出之外史掌書外令掌四方之志掌三皇五

帝之書掌達書名於四方若以書使於四方則書其

令 案世稱翰林院爲太史非也周官五史雖以太

史爲之長而其職專掌天文並非秉筆之任卽西漢

之太史令屬太常乃術數之官不司著述故司馬遷

亦自稱近於卜祝之閒也惟內史掌策命外史掌外

令及書志與後世翰林之典制誥書籍者相符故首

錄之

東觀令 後漢書延篤傳篤以博士徵拜議郎與朱穆

邊詔共著作東觀冊府元龜蜀有王崇補東觀令

祕書監 大著作 三國魏志王肅傳云肅領祕書監

晉書職官志元康三年詔曰著作舊屬中書而祕

書既典文籍今改中書著作爲祕書著作郎人謂之

大著專掌史任 案晉之大著作專總使任蓋如今

掌院學士之職又案馬端臨云翰林學士之官以言

此語文字被顧問以翰墨技藝侍中待詔則漢武帝所

以處鄒枚嚴徐靈帝所以招鴻都文學之類是也至

於出入禁闈特被親遇參謀軍國號稱內相則漢魏

稱謂錄 卷十三

十

以來侍中領尚書事祕書監中書監之類是也通於

前代有如此

北門學士 翰林待詔 翰林供奉 李肇翰林志唐

初有中書舍人專掌詔誥雖曰禁省猶非密切乾封

以後始曰北門學士元宗初改爲翰林待詔又改爲

翰林供奉 案開元二十六年又改翰林供奉爲學

士別置學士院則供奉待詔亦皆翰林學士之古稱

也又案葉石林云唐翰林院在銀臺之北乾封以後

劉焯之元萬頃之徒時宜召草制其閒因名北門學

士宋學士院在樞密院之後腹背相倚不可南向故以其西廊西向爲院之正門而後門北向與集英相直榜曰北門兩省樞密院皆無後門惟學士院有之學士朝退入院與禁中宣命往來皆行北門而正門行者無幾不特此取其便事亦以存故事也

待詔漢書東方朔傳朔待詔公車久之使待詔金馬門稍得親近案枚乘王褒劉向等皆有待詔之稱蓋漢時翰林未有專官武帝令賢良文學待詔金馬門應制奏賦卽馬端臨所謂以言語備顧問者蓋卽稱謂錄

卷十三

十一

今內廷翰林院所由昉也高適詩白身謁明主待詔登雲臺

承旨胡三省通鑑注唐置翰林學士之始無承旨永貞元年上始命鄭絪爲承旨大誥令大廢置丞相之密書中外之密奏上之所甚注意者莫不專受專對當大用事文類聚云後唐莊宗勅翰林學士入院必以先後爲定惟承旨一員出自朕意不計官資先後在學士之上案翰林學士承旨至五季而其任益重當如今掌院學士之比文獻通攷宋承旨不常置



以學士久次者爲之內相 唐書陸贄傳贄入翰林年尙少以才幸天子嘗以輩行呼而不名雖外有宰相主大議而贄常居中參裁可否時號內相

內翰 宋史王旦傳翰林學士陳彭年呈科場條目旦投之地曰內翰得官幾日乃欲裁逼天下進士耶侯鯖錄東坡在昌化嘗負大瓢行田閒媿婦年七十曰內翰昔日富貴一場春夢 案亦稱大訓翰翰筆也翰林主文事故稱

稱謂錄 卷十三 十三

翰長 宋史張洎傳上賜詩褒美有翰長老儒臣之句 盧肇喜楊舍人入翰林詩御筆親題翰長銜亦稱大詞翰

院長 唐書沈師傳學士院長參天子密議次於宰相館主 葉廷珪海錄碎事貞觀初褚亮檢校修文館務學士號爲館主

門客 唐李衛公詩話武后朝曾宣諭卿等是我門客省官 老學庵筆記舊謂館職爲省官 講郎 方以智通雅漢有講郎侍郎所自也章帝詔高

材生雖不立學官然皆擢高第爲講郎張輔子蕃以  
郎侍講趙典拜議郎侍講禁內此其端矣 案侍講  
之名起於東漢范書所載如劉寬鄧暉等或侍講殿  
中或侍講禁中或侍講華光殿是也

大鳳 表異錄宋以翰林學士爲大鳳

勸講 後漢書楊秉傳桓帝卽位以明經尙書徵入勸  
講 注勸講猶侍講也

林牙 遼史百官志北面官大林牙院掌文翰之事又  
有北面都林牙北面林牙承旨北門林牙左林牙右

稱謂錄

卷十三

十三

林牙興宗重熙十二年又有翰林都林牙聖宗統和  
初有南面林牙 宋時孝宗本紀淳熙十二年夏四  
月丙子諜言故遼大石林衙假道夏人以伐金 洪  
皓松漠紀聞遼云大實林牙亦降注大實小名林牙  
猶翰林學士虜俗大概以小名居官上 案大實卽  
大石耳

清平官 玉溪編注南詔謂詞臣曰清平官又見小知

錄

詹事府

詹事院 見詹事注

端尹府 宮尹府 見端尹少尹注

華坊 秋坊 歷代職官表張瓚爲太子舍人洗馬作

南征賦曰彼華坊與禁苑常宵盤而晝憩庶子稱坊

實始於此又王褒皇太子箴曰春宮養德秋坊通夢

似春坊之外又別有名秋坊者

門下坊 典書坊 山堂肆攷北齊始有門下坊典書

坊唐龍朔中改門下坊爲左春坊典書坊爲右春坊

案北齊門下坊中庶子四人領之典書坊庶子四

稱謂錄

卷十三

十四

人領之隋分爲左右庶子各二人分統門下典書二

坊事蓋左右春坊之設始於唐而左右庶子之稱則

分自隋也

典經局 通典梁有典經局又置八人掌文翰尤爲清

選

詹事府職官

詹事 少詹事 案詹事秦官也漢有家令率更令僕

後魏有太子左右詹事唐置少詹事貳之宋有詹事

少詹恆以執政兼統至明設詹事院更名府 叩鉢

齋官制攷亦稱宮詹亦稱大宮輔太平廣記張說  
女嫁盧氏嘗爲舅求官父不語但指搗牀龜而示之  
女拜而歸室告其夫曰舅得詹事矣

庶子中庶子 通典秦始置詹事中庶子官 應劭

曰詹省也給也 案詹事之職在於供給宮中之事  
故自太后皇后太子皆有之掌太后宮者曰長信詹  
事掌皇后太子宮者曰皇后詹事太子詹事漢景帝  
始改長信詹事爲長信少府成帝又并皇后詹事於  
大長秋而獨存太子詹事以主太子家事自是歷代

稱謂錄

卷十三

十五

每建儲宮卽置此職惟我 朝不事建儲冊立詹事  
府各員特故留以備詞臣遷轉之階與翰林官無異  
視歷代之爲東宮僚佐者迥不相同矣文獻通攷晉  
中庶子庶子各四員若釋奠中庶子扶左庶子扶右  
又案古者天子有庶子之官周官謂之諸子職諸侯  
卿大夫之庶子掌其教令與其教理若有大事則帥  
國子而致於太子惟所用之秦因之置中庶子庶子  
員則庶子實古官名而中庶子乃秦官

中允 通典中允掌侍從禮儀駁正啟奏並監藥及通

判坊局事 杜甫贈王中允維詩中允聲名久如今

契濶深 案夢溪筆談舊日官爲中允者極少惟老

於幕官者累賢方至故爲之者多潦倒之人近歲州

縣官進用者多除中允遂有冷中允熱中允之稱

贊善 通典左右贊善大夫皆掌侍從翊贊 案唐龍

朔改中允爲贊善大夫咸亨復爲中允而贊善大夫

仍置亦稱大宮贊 案唐書百官志左贊善大夫五

人正五品上掌傳令諷過失贊禮儀以經教授諸郡

主右贊善大夫五人

稱謂錄

卷十三

六

洗馬 先馬 漢書百官表公卿太子太傅少傅屬官

有先馬注先馬員十六人秩比調者又庶子先馬注

先馬前驅國語曰句踐親爲夫差先馬先或作洗

儲案 書敘指南宋除袁粲制曰儲案

宮官 天中記白居易初授左贊善大夫賊害宰相武

元衡居易上疏請急捕賊以雪國恥宰相以宮官非

諫職不當以宰相言事

東宮官 唐書百官志東宮官左春坊左庶子二人正

四品上中允二人正五品下掌侍從贊相駁正啟奏

又右春坊右庶子二人正四品下中舍人二人正五品下掌侍從獻納啟奏

宮臣 書敘指南選十六東宮官曰宮臣

朝官 白居易白牡丹詩還似東宮白贊善被人猶喚

作朝官

宮相 宮卿曰容齋四筆唐人稱太子庶子為宮相

海錄碎事唐令則身任宮卿時為左庶子也

車詹事府職官古稱

宮正 宮尹 唐六典魏左右詹事後周改為太子宮

稱謂錄

卷十三

七

正宮尹 胡三省通鑑注後周之太子宮尹蓋即詹

事之職

端尹 少尹 新唐書百官志詹事府龍朔二年曰端

尹府詹事曰端尹少詹事曰少尹光宅元年又改曰

宮尹府 案杜佑通典垂拱元年改詹事為宮尹

宮端 儲端 李寬除詹事制總務宮端允贊忠諫

案宮謂青宮詹省也給也言給事太子 陸倕表儲

端華重實異恆司 事文類聚太子詹事號儲端

又案儲副也太子副君故謂之儲亦曰大宮輔

總司 晉起居注武帝以王恭領太子詹事恭讓表云  
皇儲始建四方是式總司之任崇替所關

三使司 見下大理司

中護 唐百官志龍朔二年改左庶子爲左中護右庶  
子爲右中護

中舍人 通典中允在庶子下洗馬上唐改爲太子中  
舍人 案中舍人乃宋齊官名唐改爲中允也

內舍人 太子中書舍人 通典中舍人隋曰內舍人  
或謂之太子中書舍人

稱謂錄

卷十三

六

中盾 歷代職官表漢書載哀帝爲太子數遣中盾請  
問近臣顏注盾讀曰允是中盾卽中允也 案左右  
中允昉於後漢

內允 唐書百官志注隋有內允通典永徽三年以皇  
太子諱中改中允爲內允太子遜位而官復舊 案

武德三年改爲中舍人貞觀初曰中允亦曰宮允

太子司經 副司經 唐百官志司經局洗馬掌經籍

出入侍從圖書攷洗馬之職昉於漢太子少傅屬官

有太子洗馬後漢員十六人太子出當直者一人在

前導威儀蓋洗馬之義也至梁改司經局唐改爲桂坊罷隸左春坊領崇賢館然皆洗馬領之元有太子司經又有副司經明爲洗馬校書正字均統之詹事府

司經大夫 桂坊大夫 詹司直 新唐書百官志龍朔中改司經局曰桂坊以司經大夫爲桂坊大夫又鄰都故事置司直爲東宮之憲高

諭德 禮記師也者教之以事而喻諸德者也一作喻元稹制東宮之有諭德猶上臺之有騎省清班優秩

稱謂錄

卷十三

所選非輕

左右諭德 唐書百官志左諭德掌諭皇太子以道德

隨事諷贊 元史蕭剡傳大德十一年拜太子右諭

德扶病人覲東宮書酒誥爲獻以朝廷尙酒故也亦

曰大儲案 案左右諭德唐龍朔三年初置

端丞 漢置詹事丞唐改爲端尹丞

司議郎 唐書敬播傳太子表請置史職用司箴戒乃

於門下坊置司議郎四人 案唐龍朔中分司議郎

爲左右以左司議郎替司議郎以右司議郎替舍人



起居注

起居注官 起居郎 起居舍人 池北偶談明初甲辰年設起居注秩正四品以宋濂魏觀爲之吳元年改正五品後革十四年復設改正七品以單仲立爲之久之復革萬厯初張位始請復設江陵相定議以修撰編檢史官充日講者日輪一員記注起居兼錄聖諭詔冊等今日之制卽江陵遺意也蓋明初起居注別爲專官而萬厯乃歸之史官爾然今制自掌院掌詹以下皆得充起居注官不專史官此其異也

稱謂錄

卷十三

二十

案唐六典起居郎二人從六品上掌錄天子之動作法度以修記事之史屬門下省起居舍人二人亦從六品上掌錄天子之制誥德音以修記言之史屬中書者此卽古左史右史之分職至明而合爲一官今仍之耳

稱謂錄卷十四

福州梁章鉅撰

男恭辰校刊

都察院

都察院 明史初吳元年置御史臺洪武十三年罷御史臺十五年更置都察院 案據是則都察院之稱蓋始於明然唐代御史臺三院已有察院之稱其僚曰監察御史而明又增一都字者蓋合都御史監察御史爲一院而稱之耳

御史府 御史大夫寺 通典御史之名周官有之至

稱謂錄

卷十四

一

秦漢爲糾察之任所居之署漢謂之御史府亦謂之御史大夫寺

御史臺 蘇冤會要故事御史臺無受詞訟之例有詞狀在門御史採收有可彈者略其姓名皆云風聞訪知

肅政臺 新唐書百官志武后文明元年改御史臺曰

肅政臺 唐會要光宅二年分爲左肅政臺右肅政

臺當時亦謂之左臺右臺

臺院 殿院 察院 因話錄御史臺三院一曰臺院

其僚曰侍御史眾呼端公見宰相及臺長則曰某姓侍御知雜事謂之雜端見雜臺長則曰知雜侍御見宰相則曰知雜某姓某官非知雜者俗號數端二曰殿院其僚曰殿中侍御史見宰相及臺長雜端則曰某姓殿中三曰察院其僚曰監察御史見宰相及臺長雜端則曰某姓監察 歷代職官表唐宋三院御史今雖存監察御史其侍御及殿中職事均已歸併察院掌轄以唐制準之雜端專主臺務正如今京畿道代堂辦事之比副端則當如今之河南道

稱謂錄

卷十四

二

蘭臺 蘭臺寺

漢書公卿百官表御史大夫位上卿

左殿中蘭臺掌圖籍祕書外督部刺史內領侍御史

王充論衡蘭臺之官國所墜得失也 案後漢御

史臺亦名蘭臺寺魏晉宋齊仍之

憲臺 通典漢御史亦謂之憲臺 晉書御史曰憲臺

西臺 因話錄李栖筠爲御史大夫羣呼爲西臺

南臺 王清明揮麈錄唐高宗改三省爲三臺故呼御

史爲南臺

外臺 唐書至德後諸道使府參佐皆以御史爲之謂

之外臺 魏略薛夏爲祕書丞時祕書以公事移蘭臺蘭臺自以臺也祕書丞特署耳謂夏不得移夏報曰蘭臺爲外臺祕書爲內閣臺也閣也何不可相移之有蘭臺無以折之

亞臺 容齋四筆唐人稱御史大夫爲亞臺爲獨坐爲雜端諫議爲火坡又曰補袞案御史臺記賈言忠撰監察本草云御史裏行及試員外爲合口椒最有毒監察爲開口椒毒漸歇殿中爲蘿蔔亦曰生薑雖辛而不爲患侍御史爲脆梨漸入佳味遷員外郎爲柑

稱謂錄

卷十四

三

子可久服

霜臺 白帖御史大夫憲臺霜臺

柏臺 烏臺 烏府 烏署 漢書朱博傳侍御史府

中列柏樹常有野烏數千棲宿其上 元稹詩一自

柏臺爲御史二年辜負兩京春 六帖御史大夫曰

柏臺亦曰烏臺 唐中宗制烏臺峻秩又云俾效能

於烏署 白居易寄元微之詩最喜登烏府多慚侍

赤墀自注元和四年微之復拜監察余爲拾遺學士

也 蘇 烏府先生鐵作肝

南牀 南榻 癡牀 通典知雜事者食坐之南設橫榻謂之南牀 石林燕語唐御史臺北尙公堂會食侍御史設榻於南故俗呼御史爲南榻 通典注南牀又謂之癡牀言處其上者皆驕傲自得使人如癡故謂之癡牀

松廳 因話錄會昌初監察御史鄭路所葺禮祭廳謂之松廳南有古松也

諫垣 陸游詩終南處士入都門少室山人補諫垣朱慶餘詩鳴鞭靜塵路寂寞諫垣臣

稱謂錄

卷十四

四

都御史

左右都御史 左右副都御史 李日華官制備攷明

初設御史臺改中丞不久準漢御史大夫設左右都御史準漢中丞設左右副都御史左右僉都御史

案據是則都御史之稱蓋始於明也 本朝初設亦有僉都御史乾隆十三年裁

哈思呼額爾吉阿里費拜察喇案班 皇朝通攷都察院左都御史滿字稱爲哈思呼額爾吉阿里費拜察喇案班漢字稱爲左都御史俱爲正二品

哈思呼額爾吉阿思罕尼拜察喇案班 皇朝通攷左  
副都御史滿字稱爲哈思呼額爾吉阿思罕尼拜察  
喇案班漢字稱爲左副都御史俱作正三品

都御史古稱

小宰 周禮天官小宰之職掌建邦之宮刑以治王宮  
之政令凡宮之糾禁鄭注若今御史中丞

御史大夫 通典御史大夫秦官侍御史率故稱大夫  
案秦漢御史大夫史稱其掌副丞相故漢時名爲  
兩府乃三公之任與今都御史之職不同自東漢省

稱謂錄

卷十四

五

御史大夫而以中丞爲臺率始專糾察之任

御史丞 御史中丞 漢官解詁建武以來省御史大

夫官屬入蘭臺特置中丞一人以總之其權次尙書

案漢御史大夫有兩丞一曰御史丞一曰中丞中

丞在殿中蘭臺掌圖籍祕書外督部刺史內領侍御

史十五員受公卿奏事

御史大夫丞 御史大夫長 歷代職官表今之都御

史雖未可以當秦漢之大夫而秦漢之御史大夫其  
官實御史之長故中丞亦稱御史大夫丞見漢書張

湯傳御史亦稱御史大夫長見漢儀注

宮正 魏志鮑勛傳尚書令陳羣僕射司馬宣王並舉勛爲宮正宮正卽御史中丞也百僚嚴憚罔不肅然中執法 三國吳志是儀傳拜侍中中執法平諸官事領辭訟如舊 案中執法始於漢高帝時詔勅賢良御史大夫下相國相國下諸侯王御史中執法下郡守是也晉灼注所謂中執法乃中丞也

左執法 三國吳志胡總傳拜總偏將軍兼左執法領辭訟 案吳之左執法其職較崇當亦御史中丞之

稱謂錄

卷十四

六

類

司憲中大夫 冊府元龜周六官之建改中丞爲司憲中大夫

司憲大夫 新唐書百官志龍朔二年改御史臺曰憲臺又中丞曰司憲大夫

大司憲 舊唐書職官志御史臺大夫一員注龍朔改大夫曰大司憲亦稱大都憲

憲長 掌憲 東軒筆錄寶元中御史府久缺中丞一日仁宗偶問以憲長久虛之故許紳奏曰中丞者風

憲之長自宰相而下皆得彈擊其選用當出聖意  
通典中丞當與憲臺之長 案都御史亦稱掌憲

臺長 說鈴讀書質疑明自嘉隆以來官名稱謂亦多  
古稱如稱六卿爲太冢宰大司徒之類此皆周官舊  
名職任相合稱之是也惟至臺長稱之曰大中丞則  
誤甚今之左右都御史乃漢之御史大夫左右副僉  
都御史乃漢之御史中丞在漢官儀皆無大字乃以  
大夫降稱中丞非所以尊之也至於錦衣掌印稱爲  
大金吾順天府尹稱爲大京兆益無稽矣 案文獻

稱謂錄

卷十四

七

通攷謂宋不除御史大夫以中丞爲臺長則宋之御  
史中丞卽今之左右都御史也

臺主 謝靈運晉書漢罷御史大夫以丞爲臺主御史  
中丞是也

臺端 通典御史四員內二員號爲臺端人稱曰端公

臺雜 宋謝泌傳泌奉解送國學舉人黜落旣多羣聚

喧詬懷璧以伺泌出泌知之潛由他途入史館請籌

自陳太宗問何官騶導嚴肅都人畏避有以臺雜籌  
者卽授泌員外郎兼侍御史知雜事 案臺雜卽臺



端也

知雜 舊唐書宣宗紀詔以職方員外郎鄭處誨兼御史知雜

端公 副端 容齋四筆唐人稱侍御史爲司憲中丞

爲端公爲副端 案梅錄爭坐次李景略叱之梅錄識其聲趨而拜之曰非豐州李端公耶遂就下坐注景略時爲御史唐本稱御史爲端公也又案范文正稱御史爲端公蓋取臺端之義

知臺事 知大夫事 唐書代宗紀以浙西觀察使蘇

稱謂錄

卷十四

八

州刺史御史大夫李知臺事 歷代職官表唐代節

鎮多加御史大夫銜其入爲本官則謂之知臺事其大夫闕官而中丞攝事者謂之知大夫事資治通鑑御史中丞知大夫事李嗣真是也

次對官 次相 胡三省通鑑注唐中世以後宰相對

延英旣退待制官巡對官皆得引對謂之次對官謂

其次相之後而得對也 案秦漢御史大夫爲次相

復置御史丞中丞兩丞所屬爲侍御史漢成帝更御

史大夫爲大司空秩比丞相

副相 漢書朱雲傳御史大夫宰相之副也 蘇頌授

尹思貞御史大夫制云國之副相亞中吉

亞相 洪容齋續筆漢御史大夫名爲亞相 白居易

行李元昌制亞相之秩威重寵榮謂御史中丞也

嚴淮詩皇皇亞相出朝端

南司 梁書江淹傳兼御史中丞齊明帝謂曰君今爲

南司足以振肅百僚也 南史陸杲傳君何敢以罪

人屬南司注謂御史中丞也 又見書敘指南

中司 皇甫冉詩中司印綬榮 案謂中丞也

稱謂錄 卷十四

九

烏衣郎 南史王僧虔爲御史中丞曰此是烏衣郎坐

處

監察御史

監察御史 文獻通攷監察御史初秦以御史監理謂

之監察史漢罷其名至晉太元中始置檢校御史隋

開皇二年改檢校御史爲監察御史

拜察默拖喇哈番 皇朝通攷監察御史滿字稱爲拜

察默拖喇哈番漢字稱爲監察御史俱作正七品

監察御史古稱

監御史 監察史 漢書百官公卿表上監御史秦官  
掌監郡又樊噲傳注監謂御史監郡者也 案秦以  
御史監理諸郡亦稱監察使

司隸 通典漢置司隸掌諸巡察

檢校官 雲麓漫鈔東晉時有檢校御史專掌行馬外  
事沿襲至唐爲檢校官國朝因之檢校卽檢點之義  
繡衣直指 漢書百官公卿表侍御史有繡衣直指出  
討姦滑治大獄 歷代職官表御史出使至西漢而  
漸多如繡衣直指監郡督運監軍之類皆以事專行

稱謂錄

卷十四

十

正如巡漕巡察諸差之比又叔孫通傳載長樂宮置  
酒御史執法舉不如儀者輒引去無敢譴諱失禮者  
則又今糾儀之職所自始矣岑參送鄭御史詩白面  
繡衣郎又云范史所載如馮緄以御史中丞將兵督  
揚州九江諸郡軍事盛修以御史中丞募兵討長沙  
零陵賊蓋今之督撫兼都御史副都御史銜其制亦  
權輿於此矣 案監察御史亦稱大直指

四推御史 唐書百官志殿中監察分京城諸司及諸  
州爲東西次一人知西推次一人知東推以殿中侍

御史第一人同知東推第二人同知西推號四推御史

六察官 魏泰東軒筆錄熙甯中執政建言天下官吏皆持祿養交政事頽靡由在上無督責之實於是出臺閣新進分案諸路謂之察訪既而又分三院御史爲六察官以督舉中外事

查倉庫各御史古稱

監太倉使 監左藏庫使 館驛使 玉海唐監察御

史開元中兼巡傳驛號館驛使又分察尙書省六司

稱謂錄

卷十四

七

元和中號六察官開元十九年以監察御史二人莅太倉左藏庫其後以殿中侍御史上一人爲監太倉使第二人爲監左藏庫使 案唐之監太倉使卽今之查倉御史監左藏庫使卽今之查庫御史館驛使卽今之巡察御史兼查驛站之職分察尙書省亦卽御史稽查各部院衙門之職也

御史古稱

柱下史 柱後史 歷代沿革周制御史在殿柱之間

故謂柱下史秦改爲侍御史 通典侍御史於周曰

柱下史老聃嘗爲之一名柱後史謂冠以鐵爲柱

梁沈約袖中記鐵柱言其審固不撓

案御史冠曰柱後惠文冠

蘭臺令史 後漢書百官志蘭臺令史六百石掌奏及

印工文書

臺郎 唐授李彤王源中侍御史制臺郎憲吏金印銀

章

驄馬郎 白居易詩愁殺多情驄馬郎

耳目官 山堂肆攷唐韋思謙進御史大夫曰耳目官

固當獨立

稱謂錄

卷十四

三

稜官 舊注漢官儀御史執法稱稜官

言官 韻府羣玉諫官曰言官

秋憲 小知錄漢授御史多在立秋取肅殺之意故稱

秋憲

吐屯 小知錄突厥名御史爲吐屯

內供奉 文獻通攷唐侍御史凡四員內供奉二員掌

糾察內外受制出使分掌事又分直朝堂與給事中

中書舍人同受表裏冤訟迭知一日謂之二司受事

會要貞元十二年御史臺奏御史內供奉者入閣日

依宣政殿前班次員外郎之後 案唐制御史大夫一人中丞二人侍御史四人殿中侍御史六人監察御史十人主簿一人內供奉裏行者各如正員之半是唐之御史中丞常有內供奉一人監察御史當有內供奉五人不但侍御史有之矣

裏行 大唐新語初馬周以布衣直門下者太宗就命

監察裏行俄拜監察御史裏行之名自周始也 新

唐書百官志又置御史裏行使侍御史裏行使殿中裏行使監察裏行使以未爲正官無員數 案裏行

稱謂錄

卷十四

三

不爲正員正如我 朝初制之有試御史也

附古有今無之御史各稱

治書侍御史 應劭風俗通御史中丞舊治書侍御史也 冊府元龜漢孝宣幸宣室而決事令侍御史二人治書侍側後因別置謂之治書侍御史 案漢以中丞爲御史臺實如今之都御史而治書侍御史二人參主臺事猶其初之有兩丞則亦當今副都御史之職也又案治書侍御史一作持書侍御史見文獻通攷五十三卷然唐書均作治書無持書亦無侍書

持書侍御史 殿內侍御史 叩鉢齋官職攷自晉迄

後周以中丞爲臺主俱屬御史大夫隋則臺主置大夫以侍御史代中丞改殿中爲殿內侍御史簡較爲監察御史唐宋元因之

殿中侍御史 侍御員 簡較御史 制防御史 叩

鉢齋官職攷魏中丞屬有殿中侍御史晉中丞屬有侍御員所掌十三曹復置簡較御史及制防御史

殿中司 元史百官志殿中司殿中侍御史凡百官失儀失列則舉糾之

稱謂錄 卷十四 十四

紫案御史 唐國史補殿中御史得立玉磚及紫案褥之類號紫案御史

藥樹監察御史 池北偶談文昌雜錄云唐時殿門外有藥樹監察御史監搜之位焉唐制百官入宮殿門必搜御史掌之太和中乃下詔宰臣奏事停其監搜

巡按御史 會典明洪武十年始遣監察御史巡案州

縣 池北偶談世祖章皇帝嘗用部主事及中書行人評事博士等官假監察御史銜巡按各直省

附古諫官名稱

案古之御史臺專糾察官邪而規諫朝政闕失則臺官外所以另設諫官也若本朝都察院各官則凡政事得失官方邪正皆得言之是今之御史亦卽古之諫官矣故以古諫官各稱附焉

諫議大夫

通典後漢增諫大夫曰諫議大夫

案王

吉在漢宣帝時爲諫大夫而王祥傳曰祥漢諫議大

夫吉之後蓋諫議大夫起於光武之世

正諫大夫

通典龍朔二年改諫議大夫爲正諫大夫

保氏下大夫

通典後周地官府有保氏下大夫卽諫

議大夫之任也

稱謂錄

卷十四

七

拾遺

補闕

唐書百官志左拾遺六人從八品上掌

供奉諷諫大事廷議小事上封事武后置左右拾遺

各二員

案陳子昂稱陳拾遺杜甫亦稱杜拾遺又

案說鈴讀書質疑李太白亦拾遺李卒後代宗徵拜

左拾遺見范傳正碑題尙稱左拾遺

案唐有左

右拾遺左右補闕各二員左屬門下省右屬中書省

非御史臺之職官也蓋拾遺補闕專掌諷諫得失不

能糾劾官邪自與御史不同

遺公

大諫

中諫

小諫

容齋四筆唐人稱諫議



爲大諫補闕爲中諫拾遺爲小諫又曰遺公

司諫 正言 宋書太宗置封駁司又增置左右司諫

正言 案宋端拱初改左右補闕爲左右司諫左右  
拾遺爲左右正言是宋之司諫正言卽唐之補闕拾  
遺也

朝奉郎 承議郎 文獻通攷宋元豐寄祿左右司諫

爲朝奉郎左右正言爲承議郎

給事中

六科給事中 續文獻通攷明國初統設給事中六年

稱謂錄

卷十四

六

始分爲六科二十四年每科增都給事中一人六科  
掌侍從規諫補闕拾遺分察六部之事而糾其弊誤

攷明置六科設都給事中左右給事中給事中

掌印給事中 給事中 皇朝通攷謹案初設六科增

減不一順治十八年滿漢都給事中各一人滿漢左

右給事中各一人漢給事中二人其都給事中由左

給事中轉左給事中由右給事中轉康熙四年滿漢

各留給事中一人餘悉裁五年增定滿漢掌印給事

中各一人

給事中古稱

黃門郎 給事黃門 給事黃門侍郎 侍中侍郎

漢書趙充國傳成帝時追美充國乃召黃門郎揚雄  
卽充國圖畫而頌之 通典凡禁門黃闥其官給事

於黃門之內故曰黃門郎 案秦官有黃門侍郎漢  
因之劉向與子歆書曰今若年少得黃門侍郎要處  
是也其初別有給事黃門之職後漢并爲一官稱給  
事黃門侍郎獻帝時又改給事黃門侍郎爲侍中侍  
郎旋復故

稱謂錄

卷十四

七

黃門令 後漢百官志注禁門曰黃闥以中人主之故  
曰黃門令

夕郎 漢舊儀黃門郎日暮入對青鎖門名曰夕郎

唐書李藩有夕郎之風 宋之問和姚給事寓直詩

高才拜夕郎

夕拜 靖康湘素記夕郎亦謂之夕拜洪平齋賀許給  
事啟躋榮夕拜

閣老 困學紀聞贈嚴閣老詩扈聖登黃閣明公獨少  
年舊史嚴武傳遷給事中時年三十二給事中屬門

下省開元曰黃門省故云黃閣少陵爲左拾遺亦東省之屬故云官曹可接聯近世用此詩爲宰相事誤矣通鑑王涯謂給事中鄭肅韓偓曰二閣老不用封勅此唐人稱給事中爲閣老也

小門下 通典齊世呼侍中爲門下給事中爲小門下

東臺侍郎 鸞臺侍郎 門下侍郎 文獻通攷唐龍

朔二年改黃門侍郎爲東臺侍郎光宅元年改爲鸞臺侍郎天寶元年改爲門下侍郎 案今以給事中

隸都察院自雍正元年始也漢隸侍中寺晉爲門下

稱謂錄

卷十四

七

省唐改門下省爲東臺又改爲鸞臺又改爲黃門省故有東臺侍郎諸稱

東臺舍人 通典隋開皇六年始置給事郎武德三年改爲給事中龍朔二年改爲東臺舍人

門下封駁司 燕翼貽謀錄淳化四年命魏庠柴成務同知給事中未幾隸通進銀臺司爲封駁司陳恕乞鑄印命取門下印用之因改其名爲門下封駁司

兵馬司

兵馬都監 五城指揮 宋有兵馬都監之設兼在城

巡簡或雜用文臣爲之明始置五城兵馬司城各一  
指揮掌巡捕盜賊街道溝渠囚犯火禁之事各副指  
揮爲之貳我 朝仍之五城指揮亦稱大司城  
八廂句管 卽鉢齋官職攷宋京城八廂句管公事準  
今五城兵馬司也

稱謂錄

卷十四

九



今五城兵馬司也  
八廂句管 卽鉢齋官職攷宋京城八廂句管公事準  
今五城兵馬司也  
八廂句管 卽鉢齋官職攷宋京城八廂句管公事準  
今五城兵馬司也  
八廂句管 卽鉢齋官職攷宋京城八廂句管公事準  
今五城兵馬司也  
八廂句管 卽鉢齋官職攷宋京城八廂句管公事準

稱謂錄卷十五

福州梁章鉅撰

男恭辰校刊

尙書

尙書 岳珂愧郗錄今世云尙書者尙字皆從平聲攷  
宋書百官志而後知其誤志之言曰尙書古官也舜  
攝帝位命龍作納言卽其任也周官司會鄭康成云  
若今尙書矣秦世少府遣吏四人在殿中主發書故  
謂之尙書尙猶主也漢初有尙冠尙衣尙食尙浴尙  
席尙書謂之六尙秦時有尙書令尙書僕射尙書丞  
稱謂錄

卷十五

一

然則尙書之尙從去聲而非平聲亦旣明甚第鄭康  
成注周禮司會曰司會周官之長若今尙書陸德明  
釋其音曰常殆今世襲稱之始也 案國初六部初  
不置尙書率以貝勒管部事置侍郎以佐之有滿洲  
漢軍漢人各二員後置尙書久之又省去漢軍侍郎  
定爲滿漢尙書各一員侍郎各二員至今仍之

阿里哈按班

皇朝通攷順治十五年

諭六部滿漢

尙書俱作正二品滿字稱阿里哈按班漢字仍稱尙

書

尚書古稱

納言 書命汝作納言傳納言官名 按卽尚書也

司會 周禮司會鄭注若今尚書矣

少府 杜氏通典秦時少府遣吏四人在殿中主發書

故謂之尚書尚猶主也

六卿 魏志八座尚書卽古六卿之任也

尚書臺 杜氏通典漢初尚書雖有曹名不以爲號總

謂之尚書臺大事八座連名有不合者得建異議

中臺 文昌臺 文昌都省 都臺 三國志諸葛恪

稱謂錄 卷十五

二

定山越孫權使尚書僕射薛綜勞軍曰故遣中臺近

官迎致犒賜 新唐書百官志注龍朔二年改尚書

省曰中臺光宅元年曰文昌臺俄曰文昌都省垂拱

元年曰都臺長安三年復曰中臺

太常伯 見下侍郎

四曹尚書 六曹尚書 後漢志成帝初置尚書四人

分爲四曹常侍曹尚書主公卿事二千石曹尚書主

郡國二千石事民曹尚書主凡吏上書事客曹尚書

主外國夷狄事世祖後分二千石曹又分客曹爲南

主客曹北主客曹凡六曹

金紫光祿大夫 銀青光祿大夫 宋史職官志尙書

吏部以金紫光祿大夫戶禮兵刑工部以銀青光祿

大夫換授 玉海元豐二年詳定官制五曹尙書爲

銀青光祿大夫 老學菴筆記官制光祿大夫轉銀

青銀青轉金紫金紫轉特進五代以前乃自銀青轉

金紫金紫轉光祿 案唐皆以金紫銀青光祿大夫

爲階官此沿漢代金印紫綬銀印青綬之稱漢丞相

太尉皆金印紫綬御史大夫銀印青綬

稱謂錄 卷十五

三

侍郎

侍郎 漢書東方朔傳官不過侍郎位不過執戟後漢

百官志侍郎三十六人主作文書起草 案漢凡諸

郎皆掌更直執戟宿衛諸殿門以侍衛之故通謂之

侍郎武帝時東方朔爲郎而自稱官不過侍郎是也

隋煬帝時以尙書六曹各置侍郎一人以貳尙書之

職改諸司侍郎但曰郎此爲今制六部尙書之始其

改舊稱侍郎曰郎者則今郎中之職耳

阿思哈尼按班 皇朝通攷滿漢侍郎俱作正三品滿

字仍稱阿思哈尼按班漢字仍稱侍郎

侍郎古稱

少常伯 唐百官志尚書令注龍朔二年廢尚書令尚書改曰太常伯侍郎改曰少常伯 案尚書侍郎漢世皆爲冗官至唐則尚書以處藩鎮侍郎則居宰相之位沿至於今尚書仍屬八座侍郎亦貳九卿官名官制較昔微有不同耳

左丞 右丞 海錄碎事白案則右丞上署左丞次署

黃案則左丞上署右丞次署齊朝如此卽今之各部

稱謂錄

卷十五

四

左右侍郎也 案秦置尚書丞二人漢因之至成帝

建始四年置丞四人及後漢光武減其二置左右丞

佐合僕之事無所不總左丞主吏民章服及騶伯史

右丞與僕射皆掌授廩假錢穀又假署印綬及紙筆

墨諸財用庫藏是漢代已有此官矣魏晉六朝並因

其舊不但齊官如此也

丞郎 老學菴筆記唐所謂丞郎謂左右丞六曹侍郎

也尚書雖序左右丞上亦通謂之丞郎猶今言侍從

官也



肅機 舊唐書職官志龍朔二年二月改百司及官名  
改左右丞爲肅機

貳令 貳卿 亞卿 唐百官志侍郎二人掌貳令之  
職朝廷大政參議焉 案尚書曰卿侍郎亞之亦稱

貳卿亦稱亞卿 蘇東坡除游佃制文昌貳卿位次  
八座

正議大夫 文獻通攷元豐寄祿六部侍郎爲正議大  
夫

郎中

稱謂錄

卷十五

五

郎中 新唐書百官志注隋尚書省諸司郎及承務郎  
各一人武德三年改諸司郎爲郎中承務郎爲員外  
郎 通典漢魏以來尚書屬或有侍郎或曰尚書郎  
或曰某曹郎皆今郎中之任

郎中

尚書郎 晉書職官志尚書郎初從三署詣臺試初上

臺稱守尚書郎中歲滿稱尚書郎三年稱侍郎 通

典郎官謂之尚書郎分掌尚書事 玉海景祐四年

趙良規言案雜坐圖學士在兩省侍郎之下尚書郎

之上 晉書職官志尙書郎西漢舊置四人以分掌  
尙書至魏尙書郎有殿中吏部駕部金部虞曹比部  
南主客祠部度支庫部農部水部儀曹三公倉部民  
曹二千石中兵外兵都兵別兵考功定課凡二十三  
郎青龍二年尙書陳矯奏置都官騎兵合凡二十五  
郎

郎官 後漢書館陶公主爲子求郎帝曰郎官上應列  
宿 唐書韋虛心傳自叔謙後至郎中者數人世號  
爲郎官家 揮塵錄詹堅老坐微累下大理李端初

稱謂錄

卷十五

六

少卿詬曰子嘴尖如此誠奸人也困辱之後十餘年  
端初爲淮南運副堅老自郎官出代端初曰郎官風  
采堂堂非昔比也堅老曰不知比往時嘴不尖否端  
初愧甚

階官 洪浩鄱陽集金國官惟重階官以三品爲高六  
曹郎官舊依遼例皆稱尙書故以侍郎爲重今則自  
侍郎以下只呼階官而不稱其職 案通典凡郎官  
皆主更直執戟宿衛殿門以侍衛之故通謂之侍郎  
此侍郎卽郎中也

理事官 池北偶談滿洲郎中員外郎初稱理事官副  
理事官後乃改從漢官之稱

左右司 隋書煬帝三年尚書都司始置左右司郎中  
各一人 唐書百官志尚書省有左司郎中右司郎  
中案韋應物以左司郎中出守詩家稱為韋左司

中郎 韋莊寄崔郎中詩觀星始覺中郎貴問俗方知  
太守廉

星郎 望郎 方干陪李郎中宴詩閒世星郎夜時亦  
稱望郎又稱星署

稱謂錄

卷十五

清郎 北史袁聿修傳尚書邢邵與聿修舊款常語戲  
呼聿修為清郎又李商隱狀立中臺而充號清郎

仙郎 白帖諸曹郎稱為仙郎

仙曹 韋莊詩文昌二十四仙曹白帖諸曹郎亦曰仙  
曹

曹長 唐李肇國史補尚書丞郎郎中相呼為曹長

署長 史記馮唐傳以孝著為中郎署長

員外

員外 唐書百官志太宗省內外官定制為七百三十

員曰吾以此待天下賢材足矣然是時已有員外置  
其後又有特置同正員杜甫詩寄語楊員外山寒少  
茯苓

員外古稱

員外郎 劉肅大唐新語晉宋以還尚書始置員外郎  
外郎 李商隱韓碑愬武古通作牙爪儀曹外郎載筆  
隨 唐書柳玘傳王涯曰七十萬錢豈於汝惜但釵  
直若此乃妖物也後釵爲馮球外郎妻首飾涯曰爲  
郎吏妻首飾有七十萬錢其可久乎注外郎卽員外

稱謂錄

卷十五

八

也 案員外之名古亦有之員外之官則自隋置開  
皇三年二十四司又各置員外郎一人以司其曹之  
籍帳侍郎闕則攝其曹事爲今員外之始

承務郎 隋唐之尚書承務郎卽今員外郎也見叩鉢  
齋官職攷 案龍朔二年改左右司郎中爲承務郎  
是以郎中改爲員外也承務亦云成務

副郎 通典員外亦謂之副郎

散郎 史記秦始皇紀近官三郎索隱曰二郎謂中郎  
外郎散郎 通典漢中郎將分掌三署郎有議郎中

郎侍郎郎中凡四等皆無員多至于餘人掌門戶出  
充車騎其散郎亦謂之外郎

同正員 叩鉢齋官職攷正員之外別設一員如今添  
注官唐設員外置同正員員外支半俸同正員支全  
俸

主事

主事 主政 唐書百官志主事本用武官宋改用文  
吏至後魏則於尙書諸司置主事令史隋煬去令史  
之名但曰主事唐時並流外爲之 案漢時雖有主

稱謂錄

卷十五

九

事之職至唐始置是官今謂之主政

主曹 星置 叩鉢齋集主政亦稱主曹又稱星置

額哲庫哈番 皇朝通攷額哲庫哈番滿字仍稱額哲  
庫哈番漢字稱爲主事俱作正六品

主事古稱

南北庭 日知錄後漢光祿勳有南北庭主事主三署  
之事於諸郎之中察茂才高第者爲之然其職不過  
如掾史等

主事令史 見上注

司務

司務 他庫喇布勒哈番 皇朝通攷司務添設滿官  
漢字仍稱爲司務滿字稱爲他庫喇布勒哈番俱作  
從九品

司務古稱

統署 贊部 留青集司務省署抄目受發文書爲首

領官號統署亦稱贊部

朝簿廳 因話錄吏察主朝官名籍謂之朝簿廳

筆帖式

稱謂錄

卷十五

十

筆帖式 榜式 皇朝通攷天聰二年設六部官其辦

事筆帖式各酌量繁簡補授凡稱榜式俱著停止稱  
爲筆帖式 案據此則榜式爲筆帖式之舊稱也而  
池北偶談又云內三院滿洲大學士謂之榜式何耶  
詳見內閣大學士注

筆帖式古稱

令史 筆且齊 南院郎君 南院掾史 敝史 漢

官儀能通蒼頡史籀篇補蘭臺令史滿歲補尙書令

史 案漢稱令史至元稱筆且齊遼稱南院郎君南

院掾史又稱敝史皆今之筆帖式也我朝各部院有七品有八品並無頂帶之筆帖式也

吏部

太宰天官禮記曲禮天子建天官先六太曰太宰

鄭注此殷制也案周禮天官治官之屬太宰卿一

入蓋卽用殷制唐光宅元年改吏部爲天官唐六典

吏部尙書周之天官卿是也大夫二人唐六典云

冢宰書周官冢宰掌邦治統百官鄭注云六官皆總

屬於冢宰變冢言大進退異名也百官總焉則謂之

稱謂錄 卷十五

七

冢列職於王則稱大冢大之上也後漢書陳寵傳

陳忠上疏云三公稱曰冢宰王者待以殊敬

小宰周禮治官之屬小宰中大夫二人唐六典云

吏部侍郎周之天官小宰中大夫也天官冢宰

宰歷禮記命宰歷卿大夫至於庶民土田之數注宰

歷於周禮爲太宰

司列唐書百官志龍朔元年改吏部曰司列改尙書

爲司列太常伯歷代沿革唐龍朔中改選郎爲司

列大夫

文部 通鑑天寶十一載改吏部爲文部至德二載復舊案文部掌文官選舉總判吏部司封司勳考功四曹事宋如唐制元初併吏禮爲一部尋復舊

鉛部 叩鉢齋官制攷鉛量度也唐選法尙書銓掌七品以上選亦稱鉛部又稱東曹

銓部 宋史選舉志官人之道在銓部則宜守成法

大銓衡 叩鉢齋集吏部尙書稱大銓衡

中銓東銓 東西銓 舊唐書職官志吏部尙書侍郎

分爲二銓注尙書爲尙書銓侍郎二人分爲中銓東

稱謂錄 卷十五

七

銓也 案會要侍郎二人分爲東西銓

小選 小銓 山堂肆考褚翔居小選不爲請囑易意

案吏部郎也又謂之小銓

大天 容齋四筆唐人稱吏部尙書爲大天

省眼 國書補舊說吏部員外郎爲省眼

選官 梁書王仲通能接人士人士願其居選官

文選司

文選司 皇朝通攷文選清吏司掌官吏班秩均平選

法 案宋史吏部尙書兼掌文武二選之法明洪武



二十九年始定文選司屬吏部武選司屬兵部 本朝因之

司士 周禮夏官司士掌羣臣之版以治其政 案此卽今文選司所自始

常侍曹 吏曹 選部 通典魏改選部爲吏部主選事陳羣始建九品官人法 案明初吏部設總部司勳考功三屬洪武二十二年改總部爲選部二十九年又去選部之稱而定爲文選等四司則選部亦卽文選司之舊稱也

稱謂錄

卷十五

三

選曹 執法郎 文獻通攷劉聰僭號省吏部置左右選曹石勒時又置左右執法郎典定士族副選舉之任

南曹 左曹 國史補郎中故事吏部郎中二廳先小銓次格式員外郎二廳先南曹次廢置 小知錄選司謂之南曹左曹 唐六典吏部員外掌選院謂之南曹

南院 李肇國史補自開元二十二年吏部置南院始懸長名以定留放 遼史百官志契丹南樞密院掌

文銓部族丁賦之政視吏部以其牙帳居大內之南故名南院

南院林牙 遼稱吏部文選司爲南院林牙

審官東院 涑水紀聞太宗患中書權太重向敏中時爲諫官請分中書吏房置審官院熙寧開置審官西院以主武選於是改審官院爲審官東院焉

典流內銓 宋實錄淳化四年以幕職州縣考課院歸流內銓命翰林學士蘇易簡領其事 案馬端臨云

宋朝典選之職自分爲四文選二曰審官東院曰流

稱謂錄

卷十五

十四

內銓

考功司

考功司 皇朝通攷考功清吏司掌官吏考課之事三載績在內曰京察在外曰大計 案後魏北齊吏部統吏部考功主爵二曹後周大司馬隨吏部主爵司勳考功四曹唐宋至明並有此稱而 本朝因之

定課曹 功論郎 課功郎中 司績 馬氏通攷漢

文帝時京房作考功課吏之法然其職不在尙書至光武改尙書三公曹主歲試考課諸州郡魏尙書

有考功定課二曹宋元嘉三年又置功論郎卽其任也後魏考功郎掌考第孝秀北齊課功郎中亦掌考第孝秀貢士隋文帝置考侍郎唐龍朔二年改考功爲司績咸通初復舊

鶴廳類函唐考功員外郎廳事有薛稷畫鶴宋之問爲讚故名

### 稽勳司

稽勳司 皇朝通攷稽勳清吏司掌更名改籍終養服制兼稽在京文武俸廩焉 案明史洪武元年吏部

稱謂錄

卷十五

十五

設總部司勳考功三屬至二十九年定爲文選驗封稽勳考功四司是稽勳卽古之司勳至明始改其稱也

司勳 周禮夏官司勳掌六卿賞地之法 案後周吏部有司勳隋文帝置司勳侍郎煬帝改爲司勳郎龍朔二年改爲司勳大夫宋有司勳郎中皆沿周禮之古稱也

勳府右闈 小知錄司勳亦謂之勳府右闈

驗封司

驗封司 皇朝通攷驗封清吏司掌百官之封爵 誥  
勅贈廕承襲之事 案驗封卽古之司封明洪武二  
十九年始定此稱而 本朝因之

執秩 春秋左氏傳晉侯作執秩以正其官杜氏注主  
爵秩之官 案此卽唐之司封今之驗封司

主爵 司封 舊唐書百官志注隋爲主爵武德因之  
龍朔改爲司封 歷代沿革司封郎中舊主爵郎也

戶部

司徒 書舜典汝作司徒 通典舜命契爲司徒元孫

稱謂錄

卷十五

六

之子微爲夏司徒 禮曲禮天子之五官曰司徒鄭  
注此殷制也

大司徒 小司徒 周禮教官之屬大司徒卿一人小  
司徒中大夫二人尙書大司徒侍郎小司徒也

地官 唐六典戶部尙書周之地官卿也

祝鳩氏 左昭十七年傳祝鳩氏司徒也

農父 書農父若保傳農父教官司徒也主農

大農令 大司農 漢書百官表大農令武帝更名大

司農

司農卿 司稼卿 通典漢曰大司農梁曰司農卿唐

改司稼卿 耕餘稿猥慙芻賤濫辱稼卿

穡臣 張華箴穡臣司農敢告左右

稼部 版部 叩鉢齋官制考民部亦稱稼部又稱版

部又稱地曹

版使 佳話錄唐韋澳辭判戶部歸謂甥姪曰吾已讓

版使矣 案國史補郎中判入員外判出此版使當

是郎中員外之任案小知錄版戶卽戶部也

版曹 癸辛雜識沈夏爲版曹二卿一日上問版曹財

稱謂錄

卷十五

七

用幾何夏一 一奏對訖於所佩夾袋中取小冊進呈

民曹 通典魏有民曹郎晉分爲左右民曹

人曹 元稹授韋審規等戶部郎中制登生齒以比董

九賦人曹之任非輕 案人本作民蓋避諱也

民部 通典隋改度支爲民部統度支民部金部倉部

四曹 案唐始改民部爲戶部蓋避唐太宗御名而

戶度金倉四曹如故 案唐書帝以司農卿李緯爲

民部尚書又王世充傳王世充爲民部侍郎善占對

習法敢舞文

左民 右民 宋書百官志魏世有左右民曹尚書

梁書到溉傳爲左民尚書以清白自修 唐六典左

民尚書晉初省之太康中又置惠帝時有右民尚書

左戶 右戶 冊府元龜後漢度支尚書之屬左戶掌

天下計掾戶籍等事右戶掌天下公私田宅租調等

事翰苑新書唐戶部侍郎有二員判使案者別一置

謂之左戶

司會 天官司會注會大計也司會主之計官之長若

今尚書亦稱大司元

稱謂錄

卷十五

六

司元 司度 新唐書百官志注龍朔二年改戶部曰

司元度支曰司度改尚書爲司元太常伯又云光宅

元年改戶部曰地官 案度支郎中改司度大夫卽

今分隸本部諸司郎中皆是

度支 晉書杜預傳拜度支尚書 通典晉有度支主

算計魏文帝置度支尚書爲大司徒 張華傳帝謀

伐吳將大舉以華爲度支尚書 北史蘇綽傳授度

支尚書置屯田以資軍國 宋書百官志度支主算

支派也度量也

計相 漢書張蒼傳蒼以代相從攻臧荼有功封北平侯食邑千二百戶遷爲計相專主計籍能計故號曰計相 通典領郡國上計者謂之計相殆今度支之任 李洞詩從此幾遷爲計相

起部 宋書百官志度支尙書領度支金部倉部起部四曹

辭曹 齊東野語羊祐爲荊州呼戶曹爲辭曹

念珠曹 通典戶部諺云念珠曹以戶部官日俸一百八也

稱謂錄 卷十五

九

三司 文獻通攷凡戶口田產錢穀食貨之政令皆歸於三司謂鹽鐵戶部度支也熙甯中王安石制置三司條例司

三司使 見下大理門

走卿 蘇軾詩注京師謂司農爲走卿

內宰相 唐書王珣傳進戶部尙書帝於珣委眷特異預大政事時號曰內宰相

三庫

庫部 文獻通攷北齊度支統度支倉部左戶右戶金

部庫部六曹

左藏署監丞 黃藏署監丞 右藏署監丞 隋稱三

庫郎中員外曰左藏署監丞黃藏署監丞右藏署監

丞

錢法堂 寶泉局

大司圖 叩鉢齋官職攷太公立九府圖法故稱亦稱

大司泉錢若泉布謂錢若流泉之遠布也卽今之錢

法堂是也

金部 司珍 司金 新唐書百官志注龍朔二年改

稱謂錄

卷十五

三

金部曰司珍天寶十一年改曰司金 金部郎中改

司珍大夫卽今諸庫及寶局郎中皆是

金曹 蘇頲授蔡秦客金部郎中制位總金曹宜轉司

徒之屬

鍾官 漢書百官公卿表水衡都尉屬官有鍾官注鍾

官主鑄錢官 書敘指南亦引之 案卽今寶泉局

監督是

倉場

少司農 少司徒 叩鉢齋官職攷倉場侍郎稱少司



農少司徒

倉部 司庾 司儲 新唐書百官志注龍朔二年改  
倉部曰司庾天寶十一年改曰司儲 倉部郎中改  
司庾大夫又曰司儲郎令諸倉監督是也

倉部司農 留青集倉部司農亦稱倉部司徒更稱大  
司儲或稱大司庾

倉部郎 晉書職官志有倉部郎 南史張緒傳武帝  
用爲尚書倉部郎都令史諮詳郡縣米事緒肅然直  
視不以經懷 唐書百官志倉部郎中員外郎各一

稱謂錄

卷十五

三

人

倉曹 後漢百官志倉曹主倉穀事 唐書百官志倉  
曹司倉參軍事

司倉 隋書食貨志司倉掌辦九穀之物

主廩 元稱倉監督曰主廩

治粟內史 漢書百官公卿表秦官掌穀貨

太倉長 史記涪于意爲商太倉長 案此上之稱內  
史或是侍郎而今稱長乃屬官也

太倉令 漢志一人六百名主管郡國轉漕穀

典倉令 舊唐書職官志典倉令掌九穀之藏

稱謂錄

卷十五

三



稱謂錄卷十六

福州梁章鉅撰

男恭辰校刊

禮部

秩宗 書舜典汝作秩宗孔傳秩序宗尊也主郊廟之官

宗伯 大宗伯 小宗伯 書周官宗伯掌邦禮注春

官卿於四時之序為長故謂之宗伯 周禮乃立春

官宗伯使率其屬而掌邦禮又大宗伯掌建邦之天

神人鬼地示之禮小宗伯掌建國之神位 唐六典

稱謂錄

卷十六

一

禮部尚書周之春官卿侍郎周之春官小宗伯中大

夫也

太宗 上宗 書顧命太保太史太宗皆麻冕彤裳上

宗奉同瑁孔傳太宗上宗即宗伯也

少宗 逸周書嘗麥解命太宗序天時少宗祠風兩百

享

司宗 司宗中大夫 北史盧辯傳保定四年改禮部

為司宗 蕭世怡傳有司宗中大夫之稱

宗官 國語伶州鳩曰非宗官之所司韋昭注宗官宗

伯是也 周禮鄭注宗官又主鬼神又云唐虞及三代以宗官典國之禮與其祭祀

宗卿 蘇軾謝禮部尙書表云遂領宗卿之任

春官 通典光宅元年改禮部爲春官

春卿 孫逖詩秋憲府中高唱入春卿署裏和歌來案

春卿

春司 張籍賀王起侍郎詩共賀春司能鑒職今年端

合有公卿

春曹 叩鉢齋官職攷禮部稱春曹亦稱南省

稱謂錄

卷十六

二

春臺 事文類聚禮部稱容臺亦曰春臺

容臺 史記索隱引鄭康成云商容者商家樂官知禮

容所以禮署稱容臺 案淮南子覽宴訓容臺振而

掩覆高誘注容臺行禮樂之臺也

容卿 柳宗元文以容卿之位贊事方岳注謂容臺也

陽官 國語史帥陽官以命司事韋注卽春官也

陽伯 路史後紀十一陽伯夏伯秋伯冬伯 案陽伯

卽春伯也

青雲 漢書百官表注黃帝有雲瑞以雲紀事春官爲

青雲

司禮太常伯 通典唐龍朔二年改禮部尚書爲司禮

太常伯

大司禮 禮部大夫 通典後周置春官卿後改爲大

司禮俄又改爲禮部大夫 冊府元龜春官之屬有

典命後改爲大司禮 案侍郎亦稱少司禮

大典禮 卽鉢齋官職攷禮部尚書稱大典禮虞書有

能典朕三禮

嘉議大夫 元史郭貫傳除禮部尚書帝親書其官階

稱謂錄 卷十六

三

曰嘉議大夫

大儀 中儀 小儀 合狐楚寄禮部趙郎中詩仙步

徐徐整羽衣小儀澄澹轉中儀 容齋四筆唐人稱

禮長爲大儀員外郎爲中儀主事爲小儀

少儀 避暑錄話唐人謂禮部員外郎爲少儀

南省舍人 南宮舍人 國史補禮部爲南省舍人徐

度却掃編唐制禮部郎官掌百官牋表謂之南宮舍

人 聞見錄禮部掌省中文翰謂之南宮舍人 案

宋敏求春明退朝錄載唐以前以禮部郎中掌省中

文翰謂之南宮舍人。百日內須知制誥。王元之與宋  
給事詩須知百日掌絲綸。攷南省南宮古爲尙書  
省之通稱。通典云唐尙書省亦謂之南省。又後漢陳  
忠爲尙書令。前後所奏悉條於南宮閣上。以爲故事。  
鄭宏爲尙書令。亦著於南宮。以爲故事。沈勳字異徵。  
詣南宮賜酒。拜尙書令。持節臨辟雍。名冠百僚。皆其  
證也。自禮部掌文翰。始以南宮之稱專屬於禮部耳。  
今登進士曰捷南宮。蓋亦取禮閣之義。言其貴且  
名表郎。石林燕語。禮部郎中元豐官制。行謂之名表。  
稱謂錄

卷十六

四

郎郎官別有印曰名表郎印

冰廳 趙璘因話錄。當時呼祠郎爲冰廳。言其清且冷也。

瑞錦窠 鄭谷伴禮部員外省直詩。錦帳名郎重錦窠。

宋敏求退朝錄。禮部員外爲瑞錦窠。

敵烈麻都 遼史百官志。北面官敵烈麻都司。掌禮儀。

今國語改爲多囉倫穆騰多囉倫禮也。穆騰能也。

儀制司

儀制司 皇朝通攷儀制清吏司凡 朝廷典儀具上

其儀領式於諸司學校貢舉並隸焉

儀部 明史初洪武元年置禮部六年設尙書一人侍郎二人分四屬部總部祠部膳部主客部二十二年改總部爲儀部二十九年改儀部祠部膳部爲儀制祠祭精膳惟主客仍舊俱稱爲清吏司

儀曹 白居易授禮部員外郎制官有秩清而選妙者其儀曹員外郎之謂 唐百官志武德三年改儀曹郎曰禮部郎中 案此卽今之儀制司亦稱司禮大夫

稱謂錄

卷十六

五

祠祭司

祠祭司 皇朝通攷祠祭清吏司凡祭祀其列在祀典者則稽其實喪祭貴賤有等皆定其程凡術數醫卜音樂及僧道並藉領之

祠部 大主禮 通典魏尙書有祠部曹晉江左有祠部尙書掌廟祧之禮 案此今之祠祭司亦稱大主

禮

司禮大夫 歷代沿革祠部郎中唐龍朔中改爲司禮

大夫

主客司

主客司 皇朝通攷主客清吏司凡貢必省閱之然後登內府若藩國嗣封則遣頒策於其國

客曹 司賓大夫 典賓 後漢書百官志成帝初置

客曹尚書世祖又分客曹爲南主客曹北主客曹

案此今之主客司亦稱司賓大夫亦稱典賓

主爵 司籍郎 文獻通攷北齊左主客爲主爵南主

客爲主客隋又改爲司籍郎武德初改爲主客郎中

龍朔二年又改主客爲司藩咸亨元年復舊

稱謂錄

卷十六

六

司蕃大夫 歷代沿革主客郎中唐龍朔中改司蕃大

夫

精膳司

精膳司 皇朝通攷精膳清吏司掌五禮宴享之宜凡

光祿寺所供饗饈悉會其出納之數及牛羊館品數

出納並兼轄之

膳部 通典隋置禮部尚書統禮部祠部主客膳部四

曹

司膳大夫 司烹大夫 舊唐書百官志注云膳部郎



中龍朔改爲司膳大夫咸亨復曰全唐詩話王主敬自以才望華妙當入省臺前行忽除膳部員外郎

膳案此卽今之精膳司亦稱司烹大夫

膳夫晉凌人文獻通攷膳部於周官卽膳夫凌人二

職也

左士晉全上晉尙書有左士右士曹後魏部官尙書管

左士郎北齊改左士爲膳部郎

鑄印局

印曹 全上漢侍御史凡五曹三曰印曹掌刻印案

稱謂錄

卷十六

七

晉宋以前每除一官卽改鑄新印給之不相傳授宋書孔琳之傳謂惟尉一職獨用一印內官羣官每遷悉改終年刻鑄喪功消實銅炭之費不可勝言故當時有印曹御史專司其事唐代移歸禮部掌之則今鑄印局之職也

僧錄司

道錄司

池北偶談明時南京五大寺僧每

季考校於禮部命題卽法華楞嚴等經其文則仿舉

子制義文義優者選充僧錄等官

禮部則例本部

所統三教皆設官遞相管攝僧錄司有善世闡教講  
經覺義諸名目道官曰道錄司有正一演法至靈至  
義諸名目僧官兼善世等銜道官兼正一等銜皆給  
與部劄其僧官分設各城者凡八處其道官分設各  
城者凡六處凡僧錄道錄印信由部頒給案今從  
六品有僧錄司闡教道錄司演法正八品有僧錄司  
講經道錄司至靈從八品有僧錄司覺義道錄司至  
義

僧綱 僧正 僧會 道紀 道正 道會 禮部則

稱謂錄

卷十六

八

例凡直省僧官府曰僧綱州曰僧正縣曰僧會惟湖  
南衡山縣稱僧綱道府曰道紀州曰道正縣曰道  
會惟衡山縣稱道紀凡直省僧綱道紀條記由該省  
布政司給放

祇部丞 崇虛局丞 唐會要延載元年五月勅天下

僧尼道士隸祠部開元二十五年以道士女道士割

隸宗正各寺僧尼令祠部檢校考釋道二教前代未

嘗領之於官自北齊置昭元寺以掌諸佛教又鴻臚

寺屬有僧祇部丞一人太常寺屬有崇虛局丞掌諸

道士簿帳於是始見於官司之職守

司寂上士 司元中士 唐會要後周有司寂上士掌

沙門之政司元中士掌道門之政皆屬春秋宗伯令

釋道之隸禮部蓋自此始也 案今從九品有僧綱

司都綱道紀司都紀未入流為副都綱副都紀

判錄 司空 松漠紀聞胡俗僧職有正副判錄或呼

為司空注遼代僧有兼官至檢校司空者故名稱尚

存

醫學官

稱謂錄 卷十六

九

正科 典科 訓科 禮部則例凡直省醫學官府曰

正科州曰典科縣曰訓科皆由本部給劄其鈐記由

該省布政司給放

陰陽學官

正術 典術 訓術 禮部則例陰陽學官府曰正術

州曰典術縣曰訓術給劄並鈐記同上 案以上四

門本屬禮部故附其後

兵部

大司馬 司馬 書允征篇允侯命掌六師孔傳仲康

命允侯掌王六師爲大司馬 書周官司馬掌邦政  
統六師平邦國 周官夏官政官之屬大司馬卿一  
人以九伐之法平邦國小司馬掌其事如大司馬之  
法 唐六典兵部尙書周官夏官卿也侍郎夏官小  
司馬中大夫也

圻父 祈父 書酒誥圻父薄違 詩祈父予王之爪

牙毛 傳祈父司馬也職掌封圻之兵甲

睢鳩氏 左傳睢鳩氏司馬也杜注睢鳩王鳩也鷺而  
有別故以爲司馬主法制

稱謂錄

卷十六

十

縉雲 漢書百官表注黃帝以夏官爲縉雲 張說和  
魏僕射詩昔我含香日連翻縉雲司又古今考兵部  
亦曰縉雲司

夏官 文獻通攷光宅元年改兵部爲夏官天寶左相  
兼武部尙書至宋軍國政令悉歸樞密院

夏卿 張說送王陵巡邊詩三邊遣夏卿案峻時爲兵  
部尙書

太尉 通典秦并天下太尉主五兵 案太平御覽漢  
官序曰三公之職司馬主兵漢承秦曰太尉武帝改

曰大司馬世祖復改曰太尉

武部 文獻通攷天寶十一載改兵部爲武部至德初復舊

兵署 海錄碎事白居易和李相公任兵部日移四松詩右相歷兵署四松皆手栽

樞省 古今考兵部曰樞省亦稱大掌樞

五兵尙書 章俊卿山堂考索魏始置五兵尙書謂中兵外兵騎兵別兵都兵也 案秦漢未有專任魏爲五兵尙書晉改置七兵宋復置五兵

稱謂錄

卷十六

七

七兵尙書 通典後魏爲七兵尙書北齊爲五兵統左

中兵右中兵左外兵右外兵都兵五曹後周置大司馬卿至隋乃有兵部尙書統北部職方駕部庫部四曹 案晉太康中又置七兵尙書以中外兵加分左右也又有四兵之稱宋丁度兵錄云一曰禁兵殿前馬步三司隸焉二曰廂兵諸州隸焉三曰役兵郡有司隸焉四曰民兵農之健而材者藉之並見天祿識

餘

司戎 文獻通攷唐龍朔二年改兵部尙書爲司戎太

常伯侍郎爲司戎少常伯郎中爲司戎大夫咸亨初復舊

司戎大夫 文獻通攷龍朔二年改兵部郎中爲司戎入夫咸亨初復舊亦稱司馬大夫或稱南選曹 案此卽今之武選司

北院 遼史百官志契丹北樞密院掌兵機武銓廩牧之政凡契丹軍馬皆屬焉以其牙帳居大內帳殿之北故名北院元好問所謂北衙不理民是也

南省 李輔國傳遷兵部尙書南省視事

稱謂錄

卷十六

三

西曹 崔豹古今考兵部稱西曹案西爲金主兵刑之義故與刑部同稱

中都曹 卽鉢齋官職攷東漢尙書五曹外增設一官名中都曹主盜賊或云督捕侍郎之職

武選司

武選司 宋史職官志兵部尙書掌兵衛武選車輦甲

械廩牧之政令 案宋史又言吏部掌文武官吏選

試擬注資任遷除蔭補考課之政令凡文階官之等

二十武選官之等五十有六是宋之武選又兼隸於

吏部也至明洪武二十九年始於兵部專設武選清  
吏司掌衛所土官選授陞調襲替功賞之事 本朝  
亦因其舊而滿漢武職銓選封廕及預保注冊推陞  
降調告病丁憂終養咸隸焉

審官西院 涑水紀聞王介甫與韓子華合謀欲沮文  
潞公且奪其權一日發中旨置審官西院樞密初不  
知也 案本宋元豐定制以審官西院爲尙書右選  
武臣陞朝官自皇城使職事官自金吾衛仗司以下  
非樞密院宣授者悉掌之

稱謂錄

卷十六

三

三班院 宋實錄潛化三年詔置三班院以崇儀副使  
蔚進掌之 案宋以三班院爲侍郎右選自副尉以  
上至從義郎悉掌之

職方司

職方司 宋史職官志職方郎中員外掌天下圖籍

案周禮夏官職方氏掌天下之圖辨九州之國後周  
依周官定制始有職方隋有職方侍郎宋有職方郎  
中員外明史兵部有武選職方車駕武庫四清吏司  
而 本朝因之

司域 舊唐書職官志改職方爲司域駕部爲司輿

車駕司

車駕司 明史職官志洪武六年兵部置駕部二十九  
年改車駕清吏司掌鹵簿儀仗禁衛驛傳廐牧之事  
案 本朝沿明舊稱 皇朝通攷車駕清吏司掌  
驛傳郵符中外馬政凡鹵簿儀仗遇大典禮辨其物  
數以授所司

駕部 唐書崔元亮傳爲駕部員外郎清謹介特意澹  
如也

稱謂錄

卷十六

十四

司駕 文獻通攷唐天寶中改駕部爲司駕至德初復  
舊

司輿 見上司域注

司輿大夫 文獻通攷唐改駕部郎中爲司輿大夫

輿司馬 校人 牧師 巾車 周禮夏官之屬有輿

司馬又有校人主馬之官又有牧師掌牧教又有巾

車掌公車之政及王之五輅 案馬貴輿謂此四職

卽宋代駕部郎中之本始

武庫司



武庫司 明史職官志兵部洪武初置總部駕部並職  
方三部十三年又增置庫部二十九年定改四部爲  
武選職方車駕武庫四清吏司武庫掌戎器符勘尺  
籍武學薪隸之事 案據此則明初尙稱庫部而改  
爲武庫司實始於明也 本朝因之

庫部郎中 唐書百官志庫部郎中員外郎各一人

司庫大夫 文獻通攷唐改庫部郎中爲司庫大夫亦

稱司戟大夫咸亨初復舊

武藏中大夫 文獻通攷後周有武藏中大夫

稱謂錄

卷十六

五

司甲 周禮夏官司甲掌戈盾弓矢之長各辨其物以  
待軍事 案馬貴輿謂卽庫部郎中之職

馬館

馬曹 晉書王徽之傳爲桓沖騎兵參軍沖問卿署何  
曹曰似是馬曹問管幾馬曰不知馬焉知馬數又問  
馬近死多少曰未知生焉知死 蘇軾詩盡壞屏障  
通內外仍呼騎曹爲馬曹 案此或今馬館監督之

流

刑部

士 士師 書舜典汝作士 論語孟氏使陽膚爲士

師

士官 文獻通攷唐虞之際士官以正五刑

大士 太士左傳士榮爲大士注大士治獄官也 禮

記天子建天官先六太曰太士 案太士大士自是

二稱

司寇 大司寇 小司寇 書司寇掌邦禁 周禮秋

官大司寇掌邦之三典以佐王刑邦國詰四方小司

寇掌外朝之政以致萬民而詢焉

稱謂錄

卷十六

士

尉氏 漢書陳留郡尉氏注引應劭古獄官曰尉氏

左氏襄二十九年傳將歸死于尉氏注尉氏討姦之

官

準人 準夫 書注準人平法謂士師又疏準夫者平

法之人也

爽鳩氏 春秋傳爽鳩氏司寇也杜注爽鳩鷹也鷺故

爲司寇主盜賊

白雲 漢書百官表注黃帝以秋官爲白雲

金正 漢書百官表注顓頊氏以秋官爲金正

秋官 周禮秋官大司寇 案後周依周制以刑部爲

秋官

秋典 顏魯公集馮翊太守謝上表超司秋典蓋嘗爲

憲部尙書亦稱大秋臺

秋憲 賈至授宋晦屯田員外郎制俾迴秋憲之威以

佐冬官之屬亦稱秋曹

少皞司 韓愈酬鄆州馬尙書詩仍遷少皞司注秋帝

少皞主刑刑部古之秋官也

司刑太常伯 憲部 西臺 司憲 通典隋改都官

稱謂錄

卷十六

七

爲刑部尙書唐龍朔二年改爲司刑太常伯天寶中

改爲憲部亦曰西臺 唐書百官志天寶十一載改

刑部曰司憲

西曹 外翰林 客燕雜記嘉靖中李攀龍王世貞俱

官西曹相聚論詩建白雲樓榜諸君詩人目刑部爲

外翰林亦稱西臺

冷曹 鄭谷詩序故許昌僻尙書能常爲都官郎中故

建州李員外頻自憲府內轉拜都官員外郎皆一時

騷雅宗師都官之曹振盛於此余今忝此官何以仰

繼前賢賦詩曰他日節麾如可繼不嫌曹冷在中行  
案刑部亦稱法曹墨曹

長流 帝王世紀少皞崩其神降於長流之山於祀主

秋 案秋官司寇主刑罰故取秋帝所居為嘉名也

伊勒希布 左右伊勒希巴 遼稱刑部尚書曰伊勒

希布左右侍郎曰左右伊勒希巴

附刑部各司古稱 案刑部舊分都官比部司門諸  
稱明洪武初年尚如此自永樂  
十年定為十三清吏司各以行  
省分曹而本朝定為十八清  
吏司亦仍明制增之而舊稱悉  
皆不用茲錄於後以備稽攷

稱謂錄

卷十六

都官 文獻通攷開皇三年改都官為刑部尚書 通

典魏置尚書都官晉以三公尚書掌刑獄宋置都官

尚書齊梁陳後魏亦有都官尚書北齊都官統都官

二千石比部水部膳部五曹

司僕大夫 歷代沿革都官郎中唐龍朔中改司僕大

夫 案司僕掌簿錄配没官私奴婢即周禮司隸職

今分隸諸司無專職

比部 計部 通典比部掌詔書律令句檢等事後周

曰計部亦稱句司

司計大夫 歷代沿革比部郎中唐龍朔中改司計大夫 案司計掌句檢內外賦斂經費出納逋欠之政 今則分隸戶部諸司

小秋 尚書故實杜紫微頃如宰執求不遂請小秋又不遂嘗夢人謂曰辭春不及秋昆脚與皆頭後果得 比部員外亦稱秋官大夫

水部 南部新書諺曰司門都官屯田水部入省水數 以其閒簡無事也

司門 唐書選舉志刑部尚書一人侍郎一人其屬有 稱謂錄 卷十六 十九

四一曰刑部二曰都官三曰比部四曰司門 定科郎 職類魏有定科郎晉以裴楷為之

綱曹 崔嘏授李渾比部員外郎待制綱曹妙選粉帳 華資

